

續修岢嵐州志總目

原叙 修志姓氏 圖考

卷之一

疆輿志

星野 建置 沿革 疆域

卷之二

形勝志

山川 名勝 景略 古蹟 陵墓 城池
街衢 關鎮 市集 都鄙

卷之三

衙署志

公署

倉儲

驛鋪

坊表

學校

義學

文場

學田

卷之四

祀典志

廟祠

寺觀

卷之五

賦役志

田賦
戶口
驛站

卷之六

職官志

監司
知州
學正
吏目

卷之七

兵防志

兵制
汛防
營官

卷之八

選舉志

甲科 鄉科 拔貢 歲貢 武甲科 武

鄉科 援例 雜職 官廕 貤封

卷之九

人物志

鄉賢 孝義 節婦 隱逸 僑寓 方技

卷之十

風土志

民風 禮儀 歲時 土產 祥異

卷之十一

藝文志上

頌表傳記碑序文

卷之十二

藝文志下

詩詞歌賦

壽嵐州志卷之九

人物志

奇嵐地居邊鄙服本要荒僻且陋矣安必節義
貞純之士女出乎其間然而蘆山聳峙乎東北
漪水環帶於西南大造彌綸精華有時而必洩
扶輿磅礴靈秀隨地而皆鍾故飭紀敦倫從一
不二有可表厥姓氏而紀其事蹟者不忍與草
木同腐朽焉

鄉賢

隋

陶世謨

嵒人煬帝時漢王諒作亂本州刺史

喬鍾馗將兵助之世謨諫曰明公爲一

州刺史社稷蒼生之望也

今諒謀不軌義當請

討否則

國以觀喪奈何以身助叛黨乎馗怒

欲殺之世謨曰汝安能以兵脅我耶大

丈夫甯死義耳馗壯而釋之今祀鄉賢

宋

折御卿

嵒人爲府州經畧復宋所失州縣十

五處後疾母命請告御卿曰世受國恩

邊氛未靖何敢偷生自便爲白太夫人幸勿我

念忠孝豈能兩全乎及卒以其子折惟正知府

州御卿心宋之心可謂至切諸葛武

侯曰鞠躬盡瘁死而後已御卿有焉

折克行

御卿之後善用兵所向克捷經畧河右

爲金人所畏望見旌旗卽避後侵涇源

克行大敗之常屯兵天都缺
餉開涇河轉輸軍需充給

元

郭周

岢嵐人也勇敢善戰爲六州都元帥鎮
守東川黃道川風洞口賜金牌詳具墓

碑今祀
鄉賢

明

王鼎

州人知永城縣事會流寇破城罵賊不
屈死贈光祿寺丞廕一子王宸授永平

府檢校詳具孫太

史墓碑今祀鄉賢

李炳

衛世家事繼母以孝聞性聰慧詩歌文
藝下筆立成萬厯壬辰進士初授元城

知縣居官嚴明胥吏凜凜不敢訛法治行藉甚
舉天下循吏第一擢儀部轉關內道未任卒於

家今祀
鄉賢

孝義

金

王忠立

州人負志奇偉不樂仕進嘗曰予言有

常避蕭蕪中歌采薇之詩妻亡不復娶曰夫婦
乃剛常大義吾不欲縱欲以亂人道多與奇士
遊彈琴奕棋終日坐茂林中遇晚卽卧木上後
卜蘆芽山結廬以居更名雲鶴頗有商山富春
之致許衡視
此有愧色矣

明

栗仲仁

善醫妙諳脈理天順六年歲歉出家粟
四百石以賑饑者後成化二年荐凶復

蜀粟拯之里人賴以舉火甚衆有司多其義
聞於朝授將仕郎九品散官樹綽楔以旌之
楊春茂萬厯間人性至孝事父母承顏視志大
之更謹里人稱焉會直指使至岢嵐廉得其狀
旌以匾表爲孝子之門且給粟曰吾以風世也
乃父行年九十
十三而沒

國朝

生員史韜光

徐良都好善樂施人也乾隆四十

八年歲大祲捐粟一千餘石以賑
饑者所活甚衆知州蔡廷弼給匾以旌其門曰
義篤桑梓嘉慶十八年歲又饑仍捐粟一千餘
石以濟之里中得以安全知
州王照給以匾曰惠里敦仁

生員李世德

玉龍都人不茹葷好誦帝君覺世
經居南鄉舍窠村前卽大鹿溝爲

尚嵐興縣行人往來大路夏施茶水冬捨裘衣
濟渴濟寒不獨里人稱頌卽鄰境亦感戴焉六
十九歲無疾而終大鹿
溝有施茶捨衣碑記

郭良棟

本城人二十四歲選拔因家計甚艱兼
習醫術脉理甚精時採本山藥材躬親

炮製活人甚衆道光十三年知州丁雍熙給以
學兼盧扁匾額又隆冬大雪時百鳥無食親赴
城上散粟濟物後歷署絳垣
二縣教諭五十三歲而終

王元吉

東關都人善外科常在仙人澗精鍊靈
丹無論貧富施藥不受錢償子際昇祕

術傳家不改父風鄉人感
之贈以妙手回春匾額

節婦

宋

楊業妻折氏

業初名劉繼業仕北漢任捷爲節度使娶折德辰女後歸宋賜姓楊

折姓敏慧嘗佐業立戰功號楊無敵後業戰死於陳家谷潘美王侁畏罪欲掩其事折上疏辯夫力戰獲死之由遂削二人爵除名爲民

王稟妻孟氏

稟府州人娶於岢嵐稟後爲太原總管金黏沒喝陷太原稟力戰知

不可爲負太祖像死汾水中孟曰妻以夫爲天夫死我詎有生理亦投水死

明

生員張大紀妻武氏

嘉靖間寇臨城下時武在鄉聞報同夫犇城路遇寇

夫死之武曰夫死我何用生爲遂投崖死

王烈姐

年十七字武勛未及嫁而寇亂以死自誓後爲寇所獲堅不肯從賊怒甚砍之

且碎其屍而去

康宏業妻葛氏

葛生十六而歸康越三年業病不起頻目葛葛曰夫得毋疑我

有他志耶泣而斷髮夫乃暝水漿不入口者三日比葬輒哭於墓所尋投繯死之

生員李厚幣妻張氏

幣卒氏年少誓不他適訓其子春艷爲諸生未幾春

艷亦歿又撫其孫自強成茂才年八十乃歿監司旌焉

生員秦知章妻何氏

年二十六章死寡居五十年始終一致撫三子俱成

立憲司

旌其門

張鵬妻吳氏

二十四歲夫病死矢志守節備嘗艱阻了無幾微不平意諸孫補太

學生爲博士弟子者六七輩有旌表

茂才王定妻李氏

年二十三定卒遺子納諫未

稍不若輒泣數行下讓之居無何納諫廩於庠
又卒復訓孫道成輩俱成名年九十三卒朝廷旌之

王氏張大整妻

整死兵王年才二十五歲子定
三齡耳撫孤成立卒以節終

牛惠妻許氏

惠以兵死子斗山方二歲家甚貧
頃之斗山亦死育其孫可用曾孫

志仁俱爲邑諸生年九
十一而卒直指旌其門

賈東周妻潘氏

東周死寇潘終日哀泣雖至戚
罕覲其面後竟以悲死子謨中

武進士孫攀龍
化龍俱遊太學

常懷卿妻岳氏

卿死於酒岳切痛之苦節自矢
壽八十三而後歿子潮有孝行

舉鄉飲

佐賓

生員陸登驕妻王氏

驕患足癰醫藥無效王爲吮之終不能全夫死王亦

死

梁氏明經王道新妻

新故遺三子窮楚萬狀一志守節後長子繼祖中崇

正癸酉榜由戶部分巡南瑞兵備道子姓多側名儒林者

生員王三樂妻姚氏

樂故姚矢志守節子元士裁離襁褓撫育成立年七

十餘監司

旌其門

郭漸妻呂氏

年十六適漸方歲餘漸歿呂哭不輟聲入室睹物觸目生悲翁姑慰

止之終不能自抑竟以哀死乃祖呂大堂撫屍痛曰嗟乎吾兒事畢矣

賈振妻袁氏

二十歲嫠居至八十一
乃卒撫子延用成立

生員李灼妻賈氏

灼亡遺孤方數歲賈躬操井
臼課子守節後子在登爲太

學生

國朝

李元詩妻閻氏

詩亡閻方綺歲委志所天義矢
靡他撫遺腹子士選耕讀兼課

守節七十餘年
士選廩於庠

生員油棟皇妻張氏

棟皇蚤世張年二十餘食
貧厲志守節撫孤壽已八

十子煥
成庠生

馬氏李鵬麟妻

十七歲子歸越三年而夫死明
誓所天撫孤矢志茶苦備嘗鄉